

آبونه شرائطی

ممالك عثمانیه ده سته لکی (۶۵)، آلی
آیلنی (۳۵) غروشدیر .
ممالك اجنبیه ده سته لکی (۱۷)، آلی
آیلنی (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

§

مسئله موافق آثار مع المنوتیه قبول
اولنور . درج ابدلین یازیراعاده
اولونماز .

الرشاد

سر ۱۳۳۰

اخطارات

رساله مزدن آلدینی کوسترمک شرطیه
بتون یازیر هر هانکی برغزته طرفندن
اقتباس اولونه بیلیر .

§

مکتوبلرک، امضاری واضح و اقوالی
اولسی و آبونه صره نوم و رسی محتوی
بولونسی لازمندر .

§

ممالك اجنبیه ایچون آبونه اولنور
آدرس لرینک فرانسزجه ده یازلسی رجا
اولنور .

§

پاره کوندرلدیکی زمان ته یه داثر اولدیغینک
واضحاً بیلدیلمسی رجا اولنور .

دینی ، فلسفی ، علمی ، ادبی سیاسی هفته لک مجموعه اسلامیه در .

اتبعون اهدکم سبیل الرشاد

والله یهدی من یشاء الی صراط مستقیم
صاحب و مدیر مسئول : ح ارباب اشرف

جلد ۱۳

۱۳ شباط ۱۳۲۹

پنجشنبه

۳۰ ربیع الاول ۱۳۳۲

عدد ۲۸۵

کلام

مهدی مسئله سی

معلم عطا افندینک اوچنجی سؤالنه جواب

س — مهدی حقننده حقیقت نه در ؟

ج — مهدی مسئله سی هر عصرده بتون اهل اسلام آره سنده
شایع و مشهوردر . یعنی آخر زمانده اهل بیت نبوتدن بر رجل ظهور
ایده جک ، دین مبینی تأیید ، عدلی اظهار و تشیید اتمکله ممالك اسلامیه بی
استیلا ایده جک ، مسلمین ده اکا اقتدا و اتباع ایلیه جکلردر . ایشته او
رجلک اسمی : مهدی اوله جقدر .

مهدی نک بویه ظهوری اهل علم آره سنده مختلف فیه در : ائمه
حدیثدن بر جماعت ، مهدی نک خروجی حقننده احادیث تخریج ایتدکارندن
مهدی نک ظهورینی قبول ایدنلر چوقدر . امامیه ، صوفیه ده مهدی نک
ظهورینی قبول ایدیورلر . فقط علمای امتدن بر قسمی مهدینک خروجی
انکار ایدیور و خروجی حقننده تخریج و روایت اولنان احادیثی جرح
و طعن ایدیور .

امامیه نک متقدمینی آره سنده مهدی مسئله سی یوق ایدی . الحاق
شیخیندن (رضی الله عنهما) تبری ایتملری حضرت علی کرم الله وجهه بی
وصی و افضل اصحاب بیلملری مسئله سی وار ایدی . امام معصوم ، امام
منتظر مسئله سی صوکرده دن تحدث ایتش ایدی .

متقدمین صوفیه مهدی بحثنه طالماملر ایدی ، مهدی مسئله سنه
الحاق متأخرین صوفیه طالماملر ایدی .

مهدی مسئله سی متأخرین امامیه و متأخرین متصوفه ایچون اساسی
بر مسئله در ، متقدمین امامیه و متقدمین صوفیه آره سنده ایسه بویه بر مسئله
اساسیه یوقدر .

مهدی نک خروجی قبول ایدنلر مهدینک هاشمی اولسنده اتفاق
ایتدکاری حالده بر قسمنه کوره بنی حسندن ، شرفادن ؛ دیگر قسمنه
کوره بنی حسیندن ، ساداتدن ؛ اوچنجی بر قسمنه کوره بنی عباسدن .
اقوال ثلثه نک ادله سی یکدیگرینه نسبت اولنورسه قول اول یعنی شرفادن
اولسی حقننده ایراد اولنان ادله بنی حسیندن و یا بنی عباسدن اولسی
حقننده ایراد اولنان ادله یه مرجع در . امامیه عنندنده مهدی محقق بنی
حسیندن اوله جقدر .

مهدی نک خروجی قبول ایتیانلردن بر قسمنه کوره مهدی حضرت
عیسی علیه السلام در . دیگر بر قوله کوره رجل صالحه ، امیر صالحه مهدی
اطلاق اولنور .

ایشته مهدی حقننده باشلیجه اقوال خمس واردر :

- ۱ — حضرت حسن بن علی رضی الله عنهما اولادندنر .
- ۲ — حضرت حسین بن علی رضی الله عنهما اولادندنر .
- ۳ — حضرت عباس بن عبدالمطلب رضی الله عنهما اولادندنر .
- ۴ — حضرت عیسی علیه الصلاة والسلام در .
- ۵ — هر رجل صالح و امیر صالح در .

مهدی مسئله سی خضر علیه السلام مسئله سی کبی دکلدر . خضر
علیه السلام مسئله سی وراء طور طبیعتده در ، مهدی مسئله سی ایسه وراء
طور طبیعتده دکلدر . اندن طولانی محققین علما خضرک حیاتی
قبول ایتدکاری حالده بر قسمی مهدی نک ظهورینی قبول ایدیور ، دیگر
بر قسمی قبول ایتیور .

مهدی مسئله سی ، اخبار مستقبله دنر . بی ذیشان صلی الله علیه
وسلم افندمن حضرت تارندن بر چوق اخبار مستقبله نقل اولونمش ، بر
قسمی تمامیه ظهور ایتش ، دیگر قسمی ده ظهور ایده جکلدر ؛ مهدی ده
ظهور ایده بیلیر .

مهدی نك خروج و ظهوری هم عقلاً ، هم عادةً ؛ هم امکان ذاتی ايله ، هم امکان حسی ايله ممكندر . حسدن غائب اولان اموری . مستقبله عائد اولان اخباری قبول ایتك ایچون اول بول او امورك ، او اخبارك ثبوتی ، ثانیاً دلائلی شرطدر . اهل علم عندنده خبرك ثبوتی ایچون بر طاقم شرائط واردركه اوشرائط تحقق ایتینجه خبر ثابت اولماز .

خضرك « علیه السلام » حیاتی حقنده وارد اولان اخبار فصل انتقاد اولونمش ایسه مهدی نك ظهوری حقنده وارد اولان احادیث ده انتقاد اولونمش ، نتیجه ده احادیث مهدینك كافه سی ضعیف جیقمشدر . احادیث ضعیفه شایان اعتماد دكلدر .

نته کیم احادیث مختلفه المراتب حقنده یازیلان آثارك كوزلارندن اولوب ابن حجر عسقلانی ، شمس الدین سخاوی ، عبدالرحمن یمانی کبی نقاد حدیثك یازمش اولدقلری آثاردن تلخیص اولنان « اسنی المطالب فی احادیث مختلفه المراتب » نام اثرده احادیث مهدینك هیچ برینك شایان اعتماد اولمدینی تصریح اولونمشدر .

اهل علمجه احادیث ضعیفه باب عقائده ، باب حلال و حرامده اصلاً حجت دكلدر .

مهدی نك ظهوری حقنده ائمه حدیثك تخریج ایتدكلری احادیثینه ائمه حدیثك وضع ایتدكلری قواعد انتقاد ايله انتقاد ایدلم :

۱ — ابو داود و ترمذی نك « عاصم بن ابی النجود عن زر » طریق ايله تخریج ایتدكلری حدیثده « حتی یبعث الله فیہ رجلاً منی اومن اهل بیت یواطی اسمہ اسمی واسم ابیه اسم ابی » بیوریلور .

عاصم ضعیفدر ، بخاری و مسلم عاصمدن انفراداً و اصلاً حدیث روایت ایتيورلر ، بلکه دیگر برینه مقرون قیلهرق روایت ایدیورلر ، یحیی القطان : « عاصم نامنده کیلرك هپسنی ردی الحفظ بولدم » دیور ، محمد بن سعد : « عاصم ثقه در ، فقط حدیثده خطاسی چوقدر » دیور .

۲ — ابو داودك « قطن بن خلیفه عن القاسم بن مرة » طریق ايله تخریج ایتدیکی حدیثده « لبعث الله رجلاً من اهل بیت » بیوریلور .

قطن بن خلیفه مطعون در ، دارقطنی نك حقنده : « شایان احتجاج دكلدر » دیور ، ابوبكر بن عیاش : « سوء مذهبندن ناشی اندن روایتی ترك ایتدم » دیور .

۳ — ابو داودك : « عمر و بن ابی قیس عن شعیب بن ابی خالد عن ابی اسحق السبیعی » طریق ايله تخریج ایتدیکی خبرده حضرت علی کرم الله وجهه ، مهدینك ، مخدوم مکرمی حضرت حسن (رضی الله عنه) صلبندن ظهور ایده جكنی خبر ویریور .

عمر و بن ابی قیس صدوق ایسه ده او هام صاحبی در . ابو اسحق السبیعی رجال صحیحیندن ایسه ده آخر عمرنده مختل الشعور اولدیغندن متروك اولمش ایدی .

سند ثانیده : هلال بن عمر و ابو الحسن وارددر ، هرابکیسی ده مجهولدر .

۴ — ابو داود ، ابن ماجه ، حاکم « علی بن نفیل عن سعید ابن

المسیب » طریق ايله تخریج ایتدكلری حدیثده « المهدی من ولد فاطمة » بیوریلور .

ابن نفیل ضعیفدر . عقبی نك حقنده « لایتابع علیه » دیور .

۵ — ابو داود و حاکم « عمران القطان عن قتاده » طریق ايله تخریج ایتدكلری حدیثده « المهدی منی » ویا « المهدی منا اهل البیت » بیوریلور .

عمران القطان حروری خارجی اولوب ضعیفدر .

۶ — ترمذی ، ابن ماجه ، حاکم زید العمی طریق ايله تخریج ایتدكلری حدیثده « ان فی امتی المهدی یخرج » بیوریلور .

زید العمی شایان احتجاج دكلدر ، واهیدر ، متروكدر .

۷ — حاکم ابو الصدیق الناجی طریق ايله تخریج ایتدیکی حدیثده « یخرج فی آخر امتی المهدی » بیوریلور .

ابو الصدیق الناجی متكلم فیهدر .

۸ — ابن ماجه نك زید بن ابی زیاد طریق ايله تخریج ایتدیکی حدیثده « حتی یدفعونها الی رجل من اهل بیت » بیوریلور . زید بن ابی زیاد ضعیفدر ، رفاعة در : مرفوع اولدینی (نبی ذیشان متصل اولدینی) معروف اولمیان حدیثی رفع ایدر .

۹ — ابن ماجه نك یاسین العجلی طریق ايله تخریج ایتدیکی حدیثده « المهدی منا اهل البیت » بیوریلور .

یاسین العجلی ضعیفدر . بخاری آنی تضعیف ایدیور ، زیاده سیله تضعیف ایتدیکنی کوسترمك ایچون اصطلاحی موجبجه « فیہ نظر » دیور .

۱۰ — طبرانی نك عبدالله بن لهیعه طریق ايله تخریج ایتدیکی حدیثده مهدی حقنده « بل منا » بیوریلور .

ابن لهیعه ضعیف العقل ، احق در .

۱۱ — حاکم عمارالذهبی و یونس بن ابی اسحق طریق ايله تخریج ایتدیکی خبرده حضرت علی کرم الله وجهه مهدی نك خروجی خبر ویریور .

عمارالذهبی متكلم فیہ ، یونس بن ابی اسحق ضعیفدر .

۱۲ — ابن ماجه نك « عكرمة بن عمار و سعد بن عبد الحمید » طریق ايله تخریج ایتدیکی حدیثده مهدی بی خبر ویریور .

عكرمة بن عمار ضعیفدر ، سعد بن عبد الحمید شایان احتجاج دكلدر .

۱۳ — حاکم « اسماعیل بن ابراهیم بن مهاجر عن ابیه » طریق ايله تخریج ایتدیکی خبرده ابن عباس رضی الله عنه مهدی بی خبر ویریور .

كرك اسماعیل بن ابراهیم بن مهاجر اولسون ، و كرك پدری ابراهیم اولسون ، هر ایکسی ده ضعیفدر .

۱۴ — ابن ماجه نك ابوقلابه الجریمی طریق ايله تخریج ایتدیکی حدیثده « خلیفه الله المهدی » بیوریلور .

۴ — ابو داود ، ابن ماجه ، حاکم « علی بن نفیل عن سعید ابن

خليفة يقسم المال (عنهما من طريق اخرى) . - رواء مسلم .
فقط بوحديث شريف فرده مهدي تصریح اولونامشدر . شيخنك
تخریج ایتدکری حدیث شریفه کی « امام منکم » : سرك شریعتکز ،
شریعت محمدیه حاکمدر دیمکدر . امامك مهدي اولمسی شرط دکادر .
حدیث مسلمده مهدي به اصلا دلالت ایتمز .

بناءً علیہ ذکر اولنان احادیث شریفه ایله ظهور مهدي به استدلال اولنه ماز .
مهدي به حضرت عیسی علیه السلام در ، دیه نلرك احتجاج ایتدکری
« لامهدي الا عیسی بن مریم » - رواء ابن ماجه « حدیثه کلنجه حدیث
مذکورده ضعیفدر . رواتنده کی یونس ابن عبدالاعلی امام شافعیدن
یالکز جهر وایت ایدیور . شیخ الاسلام الحرانی : حدیث ضعیفدر دیور ،
حافظ ذهبي : حدیث جداً منکردر دیور . دیگر بر طریقدهده محمد بن خالد
تفرد ایدیور . حاکم محمد بن خالد : مجهولدر دیور . محمد بن خالدده ابان
ابن صالحدن روایت ایدیور . ابانده متروکدر : هر حالده حدیث ضعیفدر .
مهدي حقنده ذکر اولنان اقوال خمسهدن ایلك درت قولك
ادلہسی ایشته بونلدر .

قول خامسی اثباته حاجت یوقدر . چونکه اصطلاحادن عبارتدر .
ابن عمرو « رضی الله عنه » محمد بن الحنفیه به مهدي دیدیکی نیم بن حماد
تخریج ایدیور . عمر بن عبدالعزیزه ، جعفر صادق ، موسی بن
طلحة بن عیلاله بن مختاره مهدي دینلیدیکی کی مدینهده ظهور ایدن
محمد بن عبدالله بن حسنهده مهدي دینلمشدر . قول اخیره کوره هر
عصرده مهدي بولنه بیلر .

مهدي حقنده متأخرین صوفیه دن الك زیاده بحث ایدن شیخ
محی الدین بن العربی ، ابن قس ، ابن سبعین ابن ابی واطیلدر .
متأخرین صوفیه بوبابده کشفده اعتماد ایدیورلر . کشف ، صوفیه نك
اصل طرائقدر . اهل حدیث وفقها وکلامیون ، الهامی الزام علی الغیر
اولمق اوزره حجت وسبب معرفت عد ایتیورلر . آنحق الهام ولی نك یالکز
نفسنه حجت اوله بیلجکنی متکلمیندن بر قسمی قبول ایدیور . صوفیه به
کوره الهام ولی نظر عقلی کی حجتدر .

الحاصل : مهدي نك ظهورنی قبول ایتمک ایچون یا احادیث ضعیفه بی
قبول ایتمک ، یا احادیث مذکورده بی تصحیح ایتمک ، یا خود شیخنك
روایت ایتدکری حدیث ایله استدلال ایتمک ، یا خود کشفک الزام علی الغیر
معناسنه حجت اولدیغنی قبول ایلك لازم کله جکدر . بو طریقلردن بشقه
مهدي بی قبول ایچون بریول یوقدر .

از میرلی اسماعیل حق

تصحیح : - کچن هفته کی خضر مقاله سننده بمدالطبع کورولن سهو
ترتیلرک بوجه آتی تصحیحی اقتضا ایدر :

صحیفه	ستون	سطر	خطا	صواب
۳۷۷	۱	۲۷	ابن المناوی	ابن المنادی
۳۷۷	۲	۱۵	تمهید	تمهیده
۳۷۷	۲	۳۴	تاریخنندن اعتباراً	تاریخنندن اعتباراً یوزسنه صوکر
۳۷۸	۱	۱۴	العبادید	العبادی
۳۷۸	۱	۱۶	العرار	الفراء
۳۷۸	۱	۳۳	المناوی	المنادی

ابوقلابه نفسننده ثقه ایسهده مدلسدر . مدلس کندی شیخنی
اسقاط ایدوب شیخنك شیخنه ویا دها یوقاریسنه چیقان ویا ایکی شیخنك
اره سننده کی ضعیفی اسقاط ایدوب سنك هپسنی ثقه قیلان ویا خود شیخنی
بللی ایتیهرك معروف اولمیان اسمی ایله ذکر ایدن کیمسسه به دیرلر .
مدلسده ضعفا قسمنددر .

۱۵ - ابن ماجه نك یوقاریده ذکر اولنان ابن لهیعه طریق ایله
تخریج ایتدیکی حدیثده مهدي ذکر اولنیور ایسهده ابن لهیعه ضعیف ،
شیخن عمر بن جابر اندن دها ضعیفدر .

۱۶ - بزار ، طبرانی نك محمد بن مروان العجلی طریق ایله تخریج
ایتدکری حدیثده (یكون فی امتی المهدی) بیوریلور .

محمد بن مروان العجلی مختلف فیهدر ، وبو حدیثده منفرددر .
آنك حقنده عبدالله بن احمد بن حنبل : « عمداً حدیثی ترك ایتدم » دیور .

۱۷ - ابویعلی الموصلی نك رجاء بن ابی رجاء الیشکری طریق
ایله تخریج ایتدیکی حدیثده (لا تقوم الساعة حتی یخرج علیهم رجل
من اهل بیتی) بیوریلور .

رجاء بن ابی رجاء الیشکری مختلف فیهدر ، یحیی بن معین ایله
ابوداود آنك حقنده : « ضعیفدر » دیورلر .

۱۸ - بزار ، طبرانی نك « داود بن الحبر عن ابیه » طریق ایله
تخریج ایتدکری حدیثده مهدي نك محمد بن عبدالله نامنده بر ذات
اوله جنی بیان بیوریلور .

داود بن الحبر الك مشهور ضعیفانددر ، پدری ده اولهدر .

۱۹ - طبرانی نك « عبدالله بن عمر العمی و عبدالله بن لهیعه »
طریق ایله تخریج ایتدیکی حدیثده « وهو صاحب رایة المهدی » بیوریلور .
عبدالله بن عمر العمی ، عبدالله بن لهیعه ، ضعیفانددرلر .

۲۰ - طبرانی نك مثنی بن الصباح طریق ایله تخریج ایتدیکی
حدیثده « ان امیرکم فلان » بیوریلور .

اولا بوحديث ، مهدي بی تصریح ایتیور ، ثانیاً مثنی بن الصباح مشهور
ضعیفانددر .

مهدي نك ظهوری حقنده وارد اولان احادیثك اسناد اعتباریله
الك غریبی ابوبکر الاسکاف روایت ایتدیکی « من کذب بالمهدی فقد کفر »
درکه ابوبکر الاسکاف وضاع ، کذابدر . کذا « المهدي رجل من ولدی
وجهه کالکوکب الدری » سوزی ده باطلدر . بونك کی حضرت علی
کرم الله وجهه به اسناد اولنان « اذا دار الزمان علی اسم الله الرحمن الرحیم
فالمهدی قائم » سوزی ده کذبدر ، امام مشارالیه حضرت ترینه افتاددر .

بخاری و مسلمده مهدي نك ظهورینه دائر احادیث یوقدر . آنحق
مهدي نك ظهورنی قبول ایدنلر بوجه آتی احادیثدن استدلال ایدیورلر :

۱ - کیف اتم اذا نزل ابن مریم فیکم وامام منکم . - رواء الشیخان .
۲ - یكون فی آخر امتی خليفة یحیی المال حشیا (عن جابر) ؛ من
خلفائکم خليفة یحیی المال حشیا (عن ابی سعید) ؛ یكون فی آخر الزمان